

Parti 2

Gobierno di Aruba ta rindi homenaje na memoria di:

Boy Ecury: Un héroe Arubano durante 2do Guerra Mundial na Hulanda

"lo mi muri cu un sonrisa riba mi cara"

"Nos tabata cu nos cuater. Boy Ecury, Ben Cramer, Fentener van Vlissingen y ami, Tonny Brantenaar. Nan a capturá nos tur cuater y asina sin sa loke lo bai pasa cu nos, nos mester a enfrentá anochi. Un anochi inquieto den un mundo desconocí, cu pronto lo yega na su fin..." Boy tabatin e nocion masha fuerte mes cu "E ora honrado a yega", implicando cu tardí of tempran e anochi aki lo a yega toch, sabiendo cu é a perseverá te na final. Boy a bisa tambe e anochi ey: "Lo mi muri cu un sonrisa riba mi cara..."

Esaki nos por lesa den e biografíascribipar Ted Schouten: "Boy, een Antilliaanse jongen in het Nederlands verzet". Un buki emocionante y verídico cu ta splica detayadamente con un hoben Arubiano a haya su mes den e movimiento di resistencia (verzet) na Hulanda durante segunda guerra mundial y con el a yega na su fin heroico na man di e Gestapo di Hitler.

Un storia di un jiu di tera cu a demostrá corahe y determinacion pa loke e tabata kere aden. Boy Ecury, awe dia 23 di April, lo a cumpli 77 aña y cu e relato aki Gobierno kier duna un homenaje póstumo na su persona, su corahe, su balentia y su amor pa libertad cu el a bringa p' te na su último rosea.

Dia 4 di Mei lo tin un guardia di veterano di guerra pa rindi homenahe na e estatua di nos héroe nacional: Boy Ecury.

Segundo Jorge Adelberto Ecury, 'Boy', manera tur hende tabata conocé na Aruba, a nace riba un Diadomingo dia 23 di April na aña 1922 na Aruba. E tabata di shete jiu di Dundun Ecury y Annie Ernst. Dia cu el a nace, ningun hende por a sospechá cu e 'jiu di suerte' aki lo a wordo tirá mata pa un peleton di ehecucion Aleman, dia 6 di November 1944 na Den Haag, Hulanda. Boy tabata un mucha homber decidido kende tabata sa exactamente kico e tabata kier y ta e característica aki mes a haci cu durante su estudio na Hulanda el a join e

movimiento di resistencia ayanan. Den e trabao peligroso aki, Boy tabata forma parti di e famoso K.P., esta e 'knokploeg' nan cualnan tabata haci e trabao di sabotahe mas pisá y peligroso durante di dos guerra mundial. Boy semper a realizá su mes cu un dia nan lo gar'é y e tabata prepará pa e dia aki. Dia cu esaki a sosodé, dia 5 di November na aña 1944, e no a nenga su actividadnan di sabotahe contra e regimen di Hitler. El a bisa tambe cu e lo muri cu un sonrisa riba su cara, pero esaki ta su burdugunan so por a mira, pasobra riba e último dia di Boy su vida no tin hopi cos cu ta conocí. Su primo Ted Schouten a dicidí di busca pa haya sa kico a pasa cu Boy y a pone su actividadnan heroico di guerra den un documentario pa television y den un buki for di cual nos ta trece cierto partinan na conocimiento di pueblo di Aruba pa hama nos lubidá nos héroe nacional.

Schouten a trece padilanti solamente hechonan sin tur e fanfaria rond di e trabao di resistencia, pasobra e ta bisa den su buki:

"E hecho solamente cu un mucha homber Arubiano a duna su vida pa libertad di e Hulandesnan ta papia pa su mes."

Ruman homber di Boy Ecury, sr. Nicky Ecury, a cooperá cu nos pa por a haci e publicacion aki posibel. Na Nicky ta bai palabranan di gratitud.

Boy a lanta hunto cu su rumanan den nan cas na Schelpestraat na Playa. Nan tata, Dundun, a haci e cas cada bes mas grandi pa acomodá su familia numeroso. El a parti e cas na dos y a pone e mucha hombernan na un banda y e mucha muhernan na e otro. Nan madushi, 'Shon Marichi' tabata wak pa nan. E tabata cushiná tambe pa e muchanan y ora nan tabata haci cualke cos, e tabata intermediá pa nan cerca nan tata. Boy tabata su favorito. Dundun a cambia e cas di tal forma cu e tabata parce mas un sorto di internat cu un cas di familia. Boy cu su tracé Nicky tabata hopi pega

na otro. Durante nan infancia nan tabata haci hopi cos di baldadi hunto. Nicky a conta nos con semper el a tuma parti pa Boy y mesora e tabata cla pa bringa cu ken cu tribi di mishi cu Boy. Ora nan tabata haci nan cosnan di malamucha, nan tata tabata suta nan cu un faha cu nan tabata yama 'Pedro Moreno'. Tur den cas tabatin un respet enorme pa 'Pedro Moreno'. Danki na nan madushi 'Shon Marichi' cu tabata tuma parti pa su nietonan, hopi biaha 'Pedro Moreno' por a keda colga na muraya.


Boy a hiba un hubentud alegre y protega na Aruba. Nan tata tabata haya cu su yunan mester por bai mas aleu den nan estudio y el a manda Boy cu Nicky un scol militar na Puerto Rico. Esaki tabata na aña 1936. E biaha pa Puerto Rico aki tabata loke a ocasioná un cambio drástico den vida di Boy. Tabata asina cu ora cu e director di scol a wak e dos muchanan, e di cu nan tata cu el a equibocá pero cu no tin lugar na e scol pa su yunan. Dundun a bira razo ya cu el a comprondé di biaha cu e muchanan a wordo nenga na e scol pa motibo di nan color.

Desapuntá nan a regresa Aruba. Diakie familia cuminsa evaluá pa manda e muchanan scol na Hulanda. Asina a bin sosodé cu na Juli di aña 1937 Boy, hunto cu su ruman Nicky y nan ruman muhe Mimi, a biaha pa Hulanda bao guía di nan ruman mayor Doe. Na Hulanda nan a baha na Amsterdam y a keda encantá cu e país grandi cu tabata parce sin limite, compará cu e isla chikito for di unda nan a bin. Nan tabata haya e hendenan agradabel y nan a ripará tambe cu no ta tur hende ta cana riba klomp manera nan a kere.

Un cos so e dos rumannan a haya fastioso ta cu e hendenan tin ora tabata zundra nan pa 'negro'. Despues di un temporada difícil pa Boy, el a cuminsa adaptá su mes na e sistema di e Hulandesnan. Boy tabata un mucha espontáneo y abierto y awor el a para bira un hoben keto y será. Paden el a keda un hende masha

vulnerabel y sensitivo, pero e tabata camuflá esaki y e tabata expres'e den mal beis, agresividad y capricho. El a cuminsa pone tur su atencion y energía den deporte y el a cuminsa train su curpa. Na final el a bira masha musculoso y e tabatin hopi forza. Su prestacionnan fisico a duna Boy un status y e tabata destacá entre su compañeronan di scol y esaki a dun'e e seguridad y kerencia den su mes cu e tabata falta pa asina hopi tempo. E desaroyo físico aki a cambia tur cos den vida di Boy Ecury.

Mientrastanto e situacion na



Europa tabata preocupante. Dundun a bai Hulanda pa busca drechi di su yunan y e tabata considerando si e mester laga su yunan na Hulanda of hiba nan Aruba cu n'e. Pero ta su yunan mes a dun'e e seguridad cu nada no ta bai pasa nan y lo ta miho pa nan keda Hulanda. El a laga nan keda, pero no cu mucho gana y cu basta miedo den su curazon. Hasta despues cu Alemania a invadí Polonia

na 1939, sigui pa un declaracion di guerra pa Francia y Inglaterra, tabata tin tur indicacion cu Hulanda lo keda neutral.

Dia 6 di October 1939 Dundun a tuma despedida di su yunan y a bai Aruba bek.

Riba 10 di mei 1940 Alemania a invadí Hulanda y Belgica bao e pretexto cu nan a drenta Hulanda pa protegá e neutralidad di Hulanda den e guerra aki. Boy tabata biba na Oudenhof cerca un familia Hulandes. Despues cu Alemania a bombardeá Rotterdam, Boy a bula riba su bicicleta pa bai busca drechi di su ruman

boekhouden y handelscorrespondentie, pero esaki a resultá hopi difícil pe. E atrocidadnan di guerra no tabata facil pa surpasá, e hamber y e inseguridad di tur dia tabata traha riba e mucha homber. Na Aruba su madushi a fayece. Esaki a duel Boy masha hopi mes, pero pa Boy tabata difícil pa compartí su dolor cu un otro. Boy a cuminsa bira masha inquieto y e tabata sinti cu e mester a haci algo na e inhusticianan di guerra. Un amigá a introduci'e na e trabao di Resistencia cerca di e ciudad Tilburg. Akinan Boy a bai ful den e trabao di, asina yamá, 'ondergrondse'. E tabata esun di e grupo cu tabata checutá e tareanan di mas difícil y mas peligroso. E no tabatin miedo di nada, pero dor cu e tabatin color bruin, no tabata facil pa camuflé. Nan tabata reconocé y su vida tabata core peliger.

Cu un grupo di compañeronan tabata biba riba 'hooizolder', den kelder of den edificacion bombardeá. Boy a drenta e trabao di Resistencia y di biaha el a haya su mes cu trabao di un indole diferente. E tabata encargá pa rescata y hiba tabata lider di su colonne y nan tabata hiba fourage pa e aliadonan. Nicky ta bisa cu den guerra ta dos cos tin: "Of abo ta mata nan of nan ta mata bo."

Dia 5 di November 1944 Boy cu un amigá a bai misa cerca di unda nan ta sconde. Ya tur caminda e Alemannan tabata busca nan, ya cu nan a wordo traicioná pa un mucha homber kende nan a kere tabata uno di nan. Despues di Misa Boy cu su amigá tabata cana bai cas y aki nan a reconocé Boy. E Alemannan a atacá nan y hiba nan. Tabata algo teribel. Nan a listra nan y no a trata nan cu man suave. Na e momentonan ey e mucha hombernan a realizá loke ta bai pasa cu nan. Tonny Brantenaar kende a sobreviví e atrocidadnan di guerra y a scapa, a conta despues:

"... Boy tabata dispuesto pa enfrentá tur cos. E tabata sa cu e Alemannan tabata sa hopi cos di dje y di su actividadnan. El a bisa nan den nan cara: "Sigur no, lo mi sigui bringa

Aruba. Su mayornan a biba añanan largo den susto pa nan yunan na Hulanda. Tabata temponan difícil cu awe nos por solamente imaginá nos mes. Ruman di Boy, Nicky, tambe tabata den e trabao di Resistencia y hunto cu Boy nan tabata parti di e 'ordenance' motorisá. Nan tabata hiba hende of pasa recado di un lugar pa otro riba nan motocicletanan. Nicky ta corda manera ta dia di awe con e tabata corre na un manera cu e Alemannan mester a sigui'e y asina e tabata kita atencion di nan pa Boy por a sigui cu su carga pa hib'e fuera di peliger. Nan tabata hiba e pilotonan Bélgiga.

Nicky Ecury ta corda di e tempo ey: "Tabata un trabao sumamente peligroso. Nos tabata forma parti di e motor ordonnance na Heerlen bao Bep v Kooten, comandante di e Regiment di Limburg. Na 1944 mi a bai den servicio militar oficialmente."

Ya promé cu esey Nicky tabata traha den resistencia hunto cu su ruman. Nan tabata armá y na varios ocasion el a wordo heridá. Te ainda e tin e cicatriznan pa recordé. Nicky tabata lider di su colonne y nan tabata hiba fourage pa e aliadonan. Nicky ta bisa cu den guerra ta dos cos tin: "Of abo ta mata nan of nan ta mata bo."

Dia 5 di November 1944 Boy cu un amigá a bai misa cerca di unda nan ta sconde. Ya tur caminda e Alemannan tabata busca nan, ya cu nan a wordo traicioná pa un mucha homber kende nan a kere tabata uno di nan. Despues di Misa Boy cu su amigá tabata cana bai cas y aki nan a reconocé Boy. E Alemannan a atacá nan y hiba nan. Tabata algo teribel. Nan a listra nan y no a trata nan cu man suave. Na e momentonan ey e mucha hombernan a realizá loke ta bai pasa cu nan. Tonny Brantenaar kende a sobreviví e atrocidadnan di guerra y a scapa, a conta despues:

"... Boy tabata dispuesto pa enfrentá tur cos. E tabata sa cu e Alemannan tabata sa hopi cos di dje y di su actividadnan. El a bisa nan den nan cara: "Sigur no, lo mi sigui bringa



boso." Na tur nan tabata nan cuater cu nan a gara. Nan a hiba nan dilanti cinco oficial Aleman kende a acusá nan di a actua contra e regimen di Hitler. Nan tur cuater a wordo condená cu pena di morto, pero e ehecucion a keda pospone te ora nan haya mas informacion di Brantenaar. El a keda biba pa e por a conta nos loke a pasa cu Boy y su compañeronan di Resistencia.

"... Nan a hiba nos Den Haag den un auto chikito, pero e Alemannan no tabata sa e caminda pa e Waalsorpervlakte. Un di e mucha hombernan cu ta procedente di Den Haag, den un momento masha conmovido y emocionante, a muestra e Alemannan e caminda, sabiendo cu e ta guiando nan pa e caminda cu ta fin di su propio vida..."

Nan a hiba Brantenaar pa un prison y e tres otroonan a desaparece for di su bista y for di su vida pa semper.

Na mes momento na Aruba familia Ecury a duna un fiesta pa e Consul di Venezuela. Mama di Boy, Annie, a cuminsa sintié bira malo y nan a hib'e cas cu urgencia. Algo tabata bisa e mama cu un cos a pasa su jiu.

Di e dia aki un tristesa a poderá di dje y ningun hende no por a consol'é, te dia cu su presentimentonan a bira berdad y nan a ricibí e tristo noticia di morto di nan jiu stímá, nan di shete jiu, nan "jiu di suerte".

A tuma familia Ecury tres aña pa localizá e restonan mortal di nan jiu. Hopi esfuerzo a bai den buskeda pa haya sa loke a pasa nos loke a pasa cu Boy y su compañeronan di Resistencia.

Un temporada despues, un grupo di persona a tene collect y a laga construí un monumento di nos héroe nacional, Boy Ecury.

Scirbi pa: Yolanda Croes Danki na Nicky Ecury pa su contribucion na e relato aki.

